

Hainbat mobilizazio egingo dira gaur Eibar-Gasteizen kontra

A-8 autobideko bidesaria ez luzatzeko eskatuko dute

Eibar-Gasteiz errepidea egiteko proiektua salatzen asmoz mobilizazioak antolatu dituzte hainbat taldek datozen egunetarako. Gaur, A-8 autobideko ordainleketan kontzentrazioak egingo dituzte, eta informazioa banatuko dute Eibar-Gasteiz autobidea egiteko A-8ko bidesaria luzatzeko dagoen egitasmoaren aurka.



A-8ko ordainleketan izango dira gaur mobilizazioak.

JOSEBA PEREZ

Erredakzioa / Donostia

HAINBAT kolektiboren ekimenez, mobilizazioak izango dira Eibar-Gasteiz autobidearen aurka. Horien artean, gaur A-8 autobideko ordainleketan egingo diren mobilizazioetara joateko deia egin dute Eguzkik, EHNEK, Gatzaga-Landak, Zutik-ek, LABek, Ezker Sindikalak, Hiruk eta beste hainbat taldek. 12:00ak eta 12:30ak bitartean bilduko dira ordainleketan; gainera, Ermuko ordainlekuan enkartelada egingo dute, eta, ondo-

ren, auto karabanan joango dira Elgoibarko ordainlekuraino.

2003 urtean amaituko da A-8 autobideko bidesaria ordaintzeko epea, eta Eibar-Gasteiz proiektua dela-eta autobidean ordaintzeko epea luzatzea salatu dute taldeek. Haien ustez, Eibar-Gasteiz proiektua ezingo da egin A-8 autobideko ordainsaria luzatzen ez bada.

Herri Batasunak bidalitako oharrek dioenez, bailarako errepideen hobekuntzak konponduko du barne trafikoak sortzen dituen arazoak.

Bestalde, ingurugiroan eragin- go dituen kalteak izugarriak izango direla azaldu dute idatzian. HBren ustez, lur sailetan eta Deba ibaian sortuko dituen kalteen ondorioz, urteetan inguru horietako biztanleentzat ezin- besteko izan diren baliabide naturalak galduko dira.

Horrez gain, diru kontu askoz murriztagoa duen alternatiba bat aurkeztu du alderdi horrek, idatzian dioenez «Deba ibaiaren saneamendua eginez eta Leintz-Gatzaga-Landa alternatiba bul- tzatuz». X

Txoriherrin agertutako ondare historikoa defenditzeko ekimenak antolatu ditu Errekak

Errepide berriaren proiektua aldatu egin behar dela deritzote ekologistek

M. Arregi / Bilbo

ZAMUDIO inguruan iaz aurkitu- tako antzinako bidearen eta har- rizko zubi bien garrantzi arkeo- logikoa eta historikoa berretsi du Erreka plataforma ekologistak, adituen ikerlanaren bitartez. Txoriherriko errepide berriaren egitasmoak aztarnok desagertzea ekarriko lukeela eta, Eusko Jaur- laritzari errekurso administrati- boa aurkeztuko dio, ondarea zu- zenean aztertu ez duelako eta aberastasun hori kontuan har- dezan eskatzeko. Errekaren us- tez, aukera dago errepide egokia prestatzeko eta aldi berean on- dore historikoa gordetzeko. Ildo ho- rretan, elkarlanerako prest ager- tu da.

Dei zabala egin dute ekologis- tok gizartea aztarna arkeologiko- en alde ager dadin. Ondarea gor- detzearen aldeko mezuak jasotze- ko web orrialdea ireki dute, eta gaiaren inguruko informazioa ere eskaintzen du. Era berean, pos- taz ere jaso nahi ditu Errekak el- kartasun mezuak.

Plataformako ordezkariak eta ikerlanean aritu diren historiala- riak, Ana Isabel Prado eta Maria Jesus Fernandez, ekimenez eta aurkitutakoen balio historikoaz mintzatu ziren atzo Bilbon.

Frogatutako balioa • Historiala- riek azpimarratu zuten, «gu- txienez 300 edo 400 urteko antzi- natasuna frogatua dago, eta ez gaude halako ondarea desager-

tzen uzteko moduan. Gainera, bi- dea tarte handi baten oinez igaro daiteke, eta ildo horretan errenta- garria ere izan liteke». Eusko Jaurilaritzako teknikariek «on- darea bertatik ikusku barik» inte- res mugatukoak direla esan omen dute. «Antzeko aurkikun- tzetan bestelako txostenak egin zituzten pertsona berberak», sa- latu dute adituek.

Erdi Aroaren bukaera aldera Donejakue Bidearen kostaldeko zatia Zinen Bidea bilakatu zen, Bizkaiko jauntxoek foruen zin egiteko tokiak lotzen zituena. Txoriherrin aurkitutako ondarea bide horren zatia dela diote adi- tuek. Ildo horretan, Donejakue Bidearen Lagunen Elkarteak ondarea gordetzeko eskatu du. X

Deba ibaiaren alde bizikleta martxa izango da bihar

Egoera txarra salatuko dute txirrindulariek

Erredakzioa / Donostia

IBAIAREN lehengoratzte inte- grala eskatzeko, Debatik Esko- riatzara joango dira bihar txi- rrindulariak. Ibaiaren egoera txarra gaitzesteko antolatu dute martxa Eguzkik, Ekik, Martinetek eta Debaldeko Gazte Asanbladak eta Gazte- txeen Koordinadorak.

Urtero egiten dute bizikleta martxa, ibaiak behar dituen hobekuntzak eskatzeko. Era berean, aurten arrazoi gehiago daudela diote antolatzaileek eskakizunei «gogor eusteko»; izan ere, bide azpiegiturek, Mutrikuko eta Debako errepideen arteko lotura lanak eta Eibar-Gasteiz errepideak ez bai- tiote mesederik egingo ibaiari.

Gipuzkoako Foru Aldundiak eskatuta Aranzadi elkarteak Deba ibaiari buruz urtero egi- ten duen txostenaren arabera, oso garrantzitsua da Debara doazen erreka eta errekatxo guztiak garbi edukitzea ibai- aren lehengoratzte integrala egin ahal izateko.

Martxaren antolatzaileek diotenez, Aranzadi elkarteak egindako aholkuak ez ditu kontuan hartuko Gipuzkoako Foru Aldundiak Eibar-Gasteiz autobidearen proiektuak

aurrera eginez gero. «Ur-bideak desbideratu, zuhaitzak bota, ur bazterreko landaretza suntsitu, ibarrak zabortegi gisa erabiltze- ko erreka estali eta erreka- ra elementu solidoak jaurtiko dira», diote antolatzaileek.

Leku hezeek duten garrantzi ekologikoak bilduko ditu bihar txirrindulariak: «Inguruko leku heze bakarra izanik, ezin dugu onartu egin nahi dutena. Leku hezeak, erregimen hidrologiko- en erregulatzaileak izateaz gain, garrantzi handiko baliabideak dira, ekonomia, kultu- ra, zientzia eta dibertimendu- rako gorde beharrekoak».

Era berean, orokorrean egi- ten ari diren ingurugiro aldake- ten artean bat besterik ez dela eta, adierazi dute azken aldian Euskal Herria pairatzen ari den azpiegitura eta proiektu erral- doien eraginez ingurugiroa lehengoraezinak diren kalteak egiten ari direla. Horretaz gain, ingurua aldatzen ari dela eta hori «oso larria» dela diote mar- txaren antolatzaileek.

Azkenik, salaketa hori egin duten talde guztiek gune horiei buruzko plangintza eta gestioa egiteko eskatu diete zeresana duten agintariei, baina «eko- sistema kontuan hartuz eta gordez». X

X

SAN FERMIN 98

Bihar

EUSKAL
HERRITREN
EGUNA

NAZIO BAT
GARA

13etan, Udal Plazan
KALEJIRA
zanpantzarra, dantzariak, txarangak, ...

14'30etan, San Jose Plazan
HERRI
BAZKARIA
bertsalariak, trikitixa, gaiteroak, ...
(txartelak betiko tokietan)

EUSKAL HERRIA
askatu!